



Tsakani kanye nabomdoli besigodvo

Hlongwani Hlongwani
Tebogo Matshana



Tsakani kanye nabomdoli besigodvo

Mduduzi Benjie Shongwe

Tebogo Matshana



Kadzeni, endzaweni lesetintsabeni taseMbhokota,
bekuphila sidzandzane lesibitwa ngekutsiwa
nguTsakani.

Tsakani bekangenabo bangani, ngako bekahlala njalo
anesitunge.

Bekafuna umuntfu langabumba naye emathoyisi
elubumba, kute bente emabhodo, tinkomishi, kanye
netinkhomo. Bekungekho umuntfu labengadlala naye.



Wakubona loku Gogo wase uyacabanga, "Tsakani udlala ngematje onkhe malanga. Loku akusikahle. Likhona licebo lengitalenta.

Gogo bekakwati kubata tigodvo. Bekakwati kwenta imifanekiso yetindlovu letinkhulu, nemifanekiso yebantfu labadvumile.

Gogo bekenta imifanekiso yayo yonkhe intfo langayicabanga.



Ngalesikhatsi Tsakani amatasatasa adlala ngematje, Gogo abenta umdoli wesigodvo.

Lomdoli wesigodvo bewungahlala futsi uhambe, kepha kuphela nangabe usedvute naTsakani.

“Gogo, unguchwepheshe,” kusho Tsakani ngenjabulo lenkhulu ngesikhatsi abona umdoli.



Gogo washiya Tsakani nemadoli wesigodvo ngesikhatsi yena asahamba.

Tsakani wakujabulela kakhulu kudlala ngamdoli wesigodvo. Kepha masinyane, waphindze waba nesitunge.

Mdoli bewukwati kuhlala nekuhamba kuphela, kepha bewungakwati kukhuluma. Bekute umuntfu langakhuluma naye.



Ngako-ke, Gogo waphindze wenta lomunye umdoli lotawukwati kuhamba, kuhlala, kanye nekukhuluma.

Tsakani wajabula kakhulu. Waze wagidza ngenca yenjabulo. Watsi, "Gogo, unguchwepheshe, ngijabule kakhulu."

Wadlala nawo kwate kwashona lilanga.



Kepha umdoli wesigodvo bewungakwati kudansa,
kantsi Tsakani bekatsandza kudansa.

Bekatsandza kudansa umdanso wekumkhombisa
injabulo, umdanso wekuncoba, *newe-xibelani*.

Bekafuna kujika abheke lena nale, hhayi yedvwa,
kepha nemngani wakhe wesigodvo. Bekute lomunye
langagidza naye.



Gogo bekangenta nobe nguyiphi intfo, ngelubumba kanye nangesigodvo.

Wenta lomunye umdoli lomuhle ngesigodvo, lofake buhlalu kanye nemasongo/nemabhengela, kantsi futsi lomdoli bewugcoke *xibelani*.

Lomdoli wesigodvo bewumuhle kakhulu. Bewukwati kuhamba, kuhlala, kukhuluma, kanye nekudansa.



Umdoli naTsakane bebalalela tingoma, badanse kanye kanye.

Kusukela ngalelolanga nangabe angakayi esikolweni, Tsakani bekadlala ngemidoli yesigodvo lebekayentelwe nguGogo.

Tsakani akamange aphindze abe nesitunge.



Watsi Gogo angabona kutsi Tsakani sewujabule kangaka, wentela umntfwana ngamunye endzaweni umdoli wesigodvo.

Waphindze futsi wabata imifanekiso yesigodvo leminyenti yekuhlobisa.

Umdlaba wonkhe ungabona umsebenti wetandla lomuhle waGogo.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).

**basic education**

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Tsakani kanye nabomdoli besigodvo

Author/s: Hlongwani Hlongwani

Translator/s: Mduduzi Benjie Shongwe

Illustrator/s: Tebogo Matshana

Assurer/s: Simangele Khoza

Language: Siswati



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

